

Cladribine ar gyfer trin sglerosis ymledol atglafychol-ysbeidiol

19 Rhagfyr 2019

Mae cladribine (Mavenclad) ar gael ar y GIG fel triniaeth bosibl ar gyfer sglerosis ymledol gweithredol iawn mewn oedolion sydd â:

- sglerosis ymledol atglafychol-ysbeidiol difriol sy'n datblygu'n gyflym, ag o leiaf:
 - 2 achos o ailwaelu yn y flwyddyn flaenorol
 - 1 briw T1 sy'n dod i'r amlwg pan ddefnyddir gadoliniwm mewn prawf MRI sylfaenol neu gynnydd sylweddol yn nifer y briwiau T2 o gymharu â phrawf MRI blaenorol, neu
- sglerosis ymledol atglafychol-ysbeidiol nad yw wedi ymateb yn ddigon da i therapi sy'n addasu clefyd (hynny yw, 1 achos o ailwaelu yn y flwyddyn flaenorol a thystiolaeth MRI o weithgarwch clefyd).

Os nad ydych yn gymwys i gael cladribine, ond eich bod eisoes yn ei gymryd, dylech allu parhau nes y byddwch chi a'ch meddyg yn penderfynu ar yr adeg orau i roi'r gorau i'w gymryd.

A yw'r driniaeth hon yn addas i mi?

Dylai eich gweithwyr gofal iechyd proffesiynol roi gwybodaeth glir i chi, trafod eich opsiynau â chi a gwranddo'n ofalus ar eich barn a'ch pryderon. Gall eich teulu fod yn rhan o'r broses hefyd, os ydych yn dymuno. Darllenwch ragor am [wneud penderfyniadau am eich gofal](#).

Cwestiynau i feddwl amdanynt

- Pa mor dda y mae'n gweithio o gymharu â thriniaethau eraill?
- Beth yw'r risgiau neu'r sgil-ffeithiau? Pa mor debygol ydynt?
- Sut y bydd y driniaeth yn effeithio ar fy mywyd o ddydd i ddydd?
- Beth fydd yn digwydd os na fydd y driniaeth yn gweithio?

- Beth fydd yn digwydd os na fyddaf am gael y driniaeth? A oes triniaethau eraill ar gael?

Gwybodaeth a chymorth

Gall [gwefan y GIG](#) fod yn lle da i gael gwybod mwy.

Gall y sefydliadau hyn roi cyngor a chymorth i chi:

- [Multiple Sclerosis Society](#), 0808 800 8000
- [Multiple Sclerosis Trust](#), 0800 032 3839

Gallwch hefyd gael cymorth gan eich grŵp [Gwarchod Iechyd](#) lleol.

Nid yw NICE yn gyfrifol am ansawdd na chywirdeb unrhyw wybodaeth neu gyngor a roddir gan y sefydliadau hyn.

ISBN: 978-1-4731-3641-0